



09.maj 2019

UPA2019/185

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu Naalackersuisunut kaammattuutigaa nunani avannarlerni killerni oqaatsit siunissaat pillugu suleqatigiinnisaaq anguniarlugu pisortatigut oqaloqatigiittarfimmik pilersitsisoqassasoq. Suleqatigiissitamik nunanit ataasiakkaanit aallartitanik inuttalikkamik pilersitsineq alloriarneq siulliussaaq. Nalunaarusiamik nunani ataasiakkaani oqaatsit inissisimanerannik takussutissiiffiusumik siunissamilu periarfissaat pillugu allaaserisanik imaqartumik suliaqarnisaaq suleqatigiissitap suliaassarissavaa, tamanna pingaartumik qarasaasiarsornikkut ineriartorneq maanna atuuttoq tunngavigalugu.

(Inatsisartunut ilaasortaq Aleqa Hammond, Nunatta Qitornai)

Nunani avannarlerni killerni inuiaavugut tamatta immikkuullarissunik oqaaseqartut aammalu tamarmik oqaasiusut pisortatigoortut. Tamatta inoqqortoorsuunngilagut tamattalu oqaatsitsinnik pingaartitsisuulluta. Amerlasuutigut nunatsinnut tunngavittut nunaqqatitsinnullu attavipput tassaavoq ataatsimoorfigisaaq oqaatsivut. Oqaatsivut illersorpavut nunatsinnilu naalackersuisutigoortumik Oqaasileriffipput pilersitaraarput, taannaavorlu inuiattut pisooqutitta ilaat.

Nunatsinni oqaatsitta pisortatigoortunngornerata kingorna pisussaaffilerpaatigut inuiaqatigiittut oqaatsit pisortatigoortumik sumilluunniit ingerlatsisoqartillugu salliunneqarlutik ataqquilluinnarlugit atuutsinneqarnissaannut. Amerlasuutigut kalaallit oqaasii qitiutillugit salliutinniarneqartillugit paatsoorneq pilersarput inuluarnermut aammalu kalaaliuniarnermut sakkortuumut taaniarneqartarluni, tamanna paatsoorneruvoq annertoq. Oqaatsivut pisortatigoortut katersuuffiussapput, ilinniagassaapput ataqqinartut aammalu inuiaat oqaaseraavut piujuartussatut eriagisassavut. Kalaallit Oqaasiisa pisortatigoortuunerat inatsisavoq isumaqatigiinniutissaanngitsoq. Ilaqtariittut, nunaqqatigiittut aammalu suliffeqarfisigut ingerlatsinitsinnilu oqaatsitta illersorneqarnerat, ataatsimoorfigineqarnerat aammalu ataqqineqarnerat atuutsissallugu pisussaaffigaarput. Ileqqut allanngornerinik nassataqarpoq, piumasaaqatit allanngornerini nassataqarpoq aammalu siunissami oqaatsitta atornerqartarneranut atornerqarneranullu ileqqutigut piumasaaqatit allanngorput. Inatsisit allanngoraangata malitsinneqartussanngoraangatalu ileqqut aamma allanngortarput tamat sungiullugillu ileqqoriligassai.

Nuannaarutigaaara siunnersuuteqartup pingaartitat qaqimmagit aammalu oqaaseqaratta mianerisariaqakkanik nunarsuarmioqatigiinnerup aammalu inuiassuit assigiinngisitaarnerisa aqqani ajorsartunngortinneqannginnisaaq suliniarnermi saqqumilaartinniarneqarmata. Ilumut tuluit oqaasiisa atugaaneruleriartornerat eqqummaariffigilluinnartariaqarparput aammalu erseqqissumik mianersorfigisariaqaripput isumaqarpugut.

Nunatta Qitornai

Inatsisartuni



Nunatta inui kalaallit oqaasiinik tunngaveqarlutik ineriartussapput, allamiut oqaasiinik atuisinnaallutillu oqalussinnaanissaat pingaaruteqarpoq nunarsuarmioqatigiittut ilinniagaqarniarnermi, angalaniarnermi, attaveqarniarnermi tamanilu pisariaqarluinnarmat.

Anguniagaq pingaaruteqartoq nunat avannarliit killiit oqaasilerinermik suliaqartuisa suliassareqatigiinnerulernissaanik nassataqartussa Qqaasileriffimmit aamma ilassilluarneqartoq erseqqissaassutigineqarpoq suliassat amerlanerusut kivinniarnerini aammalu suleqatigiinnermi tunniussassaqaarniarnermi aningaasaliissutit aammalu sulisussatigut amerlanerusunik pisariaqartitsineq pilerumaassasoq. Maani aningaasanut inatsisissatut siunnersuusiornermi aammalu saqqummiissamaarnermi eqqaamalluarneqarluni pingaartinneqassaasoq isumaqarpugut, nuannaarutigarpullu naalackersuisup tamanna eqqummaariffigaluguttaaq akissuteqaateqarnermini ersersimmagu.

Siunnersuut taperserparput.